



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-159-2/23**
Datum: **24.04.2023. god**

«Agencija za vodno područje rijeke Save» Sarajevo rješavajući po zahtjevu pravnog lica «BH TELECOM» d.d. Sarajevo za donošenje Rješenja o vodnoj saglasnosti za aktivnost - polaganje trase optičkog kabla na desnoj obali rijeke Bosne u naselju Lukovo Polje, grad Zenica a za potrebe izgradnje PM FTTC Lukovo Polje na osnovu člana 109. stav (1) a u vezi sa članom 12. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Pravnom licu «BH TELECOM» d.d. Sarajevo daje se vodna saglasnost za aktivnost - polaganje trase optičkog kabla na desnoj obali rijeke Bosne na dijelu parcela označenih kao k.č. broj: 2182 i 2394/1 (javno vodno dobro) u naselju Lukovo Polje, grad Zenica za potrebe izgradnje PM FTTC Lukovo Polje a prema tehničkoj dokumentaciji:
 - Glavni projekat optimizacije pristupne mreže skraćanjem bakarnih parica izgradnjom PM FTTC Lukovo Polje, grad Zenica, urađen od strane «BH TELECOM» d.d. Sarajevo - Izvršna direkcija za investicije broj: GP-PM-12450, mart 2023. god (revidovan od «TING» d.o.o. Žepče, mart 2023.)Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog Rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. Rješenja, utvrđenog činjeničnog stanja i pod sljedećim uslovima:
 - 3.1. Radove na polaganju optičkog kabla na desnoj obali rijeke Bosne izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Ukoliko se tokom izvođenja radova utvrdi da je trasa optičkog kabla u koliziji sa postojećim instalacijama i stečenim pravima korisnika, riješiti njihovo ukrštanje ili izmiještanje, uz saglasnost nadležnih preduzeća odnosno organa uprave.
 - 3.4. U toku radova, iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
 - 3.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 03-19-6470/21 od 06.10.2021. godine i Rješenja o izmjeni broj: 03-19-775/22 od 29.11.2022. godine izdata od strane Službe za urbanizam Grad Zenica.
4. Ukoliko se u toku izvođenja radova i korištenja predmetnih instalacija i pratećih objekata telekomunikacione mreže prouzrokuju štetne promjene režima voda i kao posljedica toga nastanu štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na instalacijama i pratećim objektima telekomunikacione mreže obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.
6. Po završetku radova na izgradnji pristupne telekomunikacione mreže FTTC Lukovo Polje potrebno je izvršiti uređenje obale i pojasa rijeke Bosne u kojem su vršeni radovi te lokalitet očistiti od gradilišnog otpada.

7. Po završetku polaganja optičkog kabla i obavljenog tehničkog pregleda izvedenih radova na kompletnoj telekomunikacionoj mreži, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
8. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
9. Ova vodna saglasnost prestaje važiti istekom roka od dvije godine od datuma pravosnažnosti rješenja ukoliko u tom roku ne bude pribavljeno odobrenje za građenje i započeta izgradnja.
10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «BH TELECOM» d.d. Sarajevo, svojim zahtjevom, zaprimljenim 17.04.2023. godine zatražilo je izdavanje vodne saglasnosti za polaganje trase optičkog kabla na desnoj obali rijeke Bosne na dijelu parcela označenih kao k.č. broj: 2182 i 2394/1 (javno vodno dobro) u naselju Lukovo Polje, grad Zenica a u postupku pribavljanja odobrenja za građenje telekomunikacione mreže PM FTTC Lukovo Polje.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 065-0-RegZ-20-002763 izdatog dana 24.04.2020. godine od strane Općinskog suda u Sarajevu,
- Ovjerena kopija Uvjerenja o poreznoj registraciji izdatog dana 13.10.2014. godine od strane Porezne uprave Federacije BiH – Kantonalni porezni ured Sarajevo,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-6808-2/14 izdatog dana 11.11.2014. godine od strane Uprave za indirektno-neizravno oporezivanje Banja Luka,
- Ovjerena kopija Punomoći broj: 06.1.1.1-16-83593-31/20 od 15.09.2020. godine,
- Glavni projekat optimizacije pristupne mreže skraćanjem bakarnih parica izgradnjom PM FTTC Lukovo Polje, grad Zenica, urađen od strane «BH TELECOM» d.d. Sarajevo - Izvršna direkcija za investicije broj: GP-PM-12450, mart 2023. god (revidovan od «TING» d.o.o. Žepče, mart 2023.)
- Ovjerena kopija Rješenja o prethodnoj vodnoj saglasnosti broj: UP-I/25-1-40-345-5/21 izdatog dana 14.09.2021. godine od strane «Agencije za vodno područje rijeke Save» Sarajevo,
- Ovjerena kopija Rješenja o urbanističkoj saglasnosti broj: 03-19-6470/21 izdatog dana 06.10.2021. godine od strane Službe za urbanizam Grad Zenica,
- Ovjerena kopija Rješenja o izmjeni Rješenja o urbanističkoj saglasnosti broj: 03-19-775/22 izdatog dana 29.11.2022. godine od strane Službe za urbanizam Grad Zenica,
- Kopija Prethodne saglasnosti broj: 09-19-775/22 AN.K. za izgradnju instalacija preko parcela označenih kao k.č. broj: 2182,2421 i 2175 K.O. Klopče, grad Zenica izdate dana 18.11.2022. godine od strane Službe za vodoprivredu, putnu infrastrukturu i mjesne zajednice Grad Zenica,
- Kopija Saglasnosti broj: 03-6-20205-112/2022 izdate dana 05.01.2022. godine od strane JP ELEKTROPRIVREDA BiH d.d. Sarajevo Podružnica «Elektro distribucija» Zenica za postavljanje instalacija kablovske televizije i instalacija na elektro stubove,
- Kopija Uslovne saglasnosti broj: 203-2593/21 ZJ na trasi pristupne mreže FTTC Lukovo Polje, grad Zenica, izdate dana 04.06.2021. godine od strane JP «Vodovod i kanalizacija» d.o.o. Zenica,
- Dokaz o uplaćenju upravnoj taksi na zahtjev.

Nakon uvida u dostavljenu dokumentaciju konstatovano je sljedeće:

U cilju optimizacije pristupne mreže koja će omogućiti pružanje širokopojsnih usluga korisnicima na području naselja Lukovo Polje, grad Zenica projektnom dokumentacijom je predviđeno uvezivanje FTTC Lukovo Polje u mrežu «BH Telecom» polaganjem optičkog kabla od FTTC-a Lukovo Polje do novoprojektovanog okna na trasi postojećeg optičkog kabla za naselje Raspotočje.

Projektnom dokumentacijom je predviđeno da trasa optičkog kabla bude kombinacija podzemne i nadzemne trase:

- prva dionica trase od okna NOK2.1.1. planirana ispod temelja TK ormara do AB elektro stuba S8 (podzemna trasa)

- druga dionica je od AB stuba S8 do S1 (nadzemna trasa-kačenje kabla na elektro stubove)
- treća dionica od AB stuba S1 do novoprojektovanog okna NOK2.1. na trasi postojećeg kabla za naselje Raspotočje (podzemna trasa).

U sklopu predviđenih radova na polaganju optičkog kabla (treća dionica) projektom je predviđeno da se dio trase polaže na desnoj obali rijeke Bosne na dijelu parcela označenih kao k.č. broj: 2182 i 2394/1 (javno vodno dobro – rijeka Bosna) a potom ispod željezničkog mosta do trase postojećeg optičkog kabla privoda za Raspotočje gdje je predviđena izgradnja PVC okna dim 80x80x80cm sa metalnim poklopcem. Drugo okno planirano je ispod temelja TK ormara.

Urbanističke uslove za izgradnju pristupne mreže FTTC Lukovo Polje, podnosiocu zahtjeva je kroz Rješenje o urbanističkoj saglasnosti i Rješenje o izmjeni rješenja izdala Služba za urbanizam Grad Zenica.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti izdatog od strane ovog organa broj: UP-I/25-1-40-345-5/21 od 14.09.2021. godine te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat optimizacije pristupne mreže skraćanjem bakarnih parica izgradnjom PM FTTC Lukovo Polje, grad Zenica, urađen od strane «BH TELECOM» d.d. Sarajevo - Izvršna direkcija za investicije broj: GP-PM-12450, mart 2023. godine, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermine Hodžić, dipl.ing.građ.

Prilog:

- Ovjerena projektna dokumentacija: Glavni projekat optimizacije pristupne mreže skraćanjem bakarnih parica izgradnjom PM FTTC Lukovo Polje, grad Zenica, urađen od strane «BH TELECOM» d.d. Sarajevo - Izvršna direkcija za investicije, broj: GP-PM-12450, mart 2023. god.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

- «BH TELECOM» d.d. Sarajevo
- Izvršna direkcija za investicije - Služba za realizaciju investicija Zenica
- Masarykova br 46, 72000 Zenica (prilog)
- AVP Sava, ISV-vodna knjiga
- Ⓢ Sektor 40 – arhiva
- Oglasna ploča – AVP Sava